

有興來登最上山真風長在可躋攀世間濁質能相信雲外清
遊豈肯閑怪石欲飛明落落驚湍直下響潺潺尋常衆目應難
見雲擁真人暗往還

蒙秦治

紫垣佳客有靈蹤獨木爲橋處處同一白渾家參太極更誰連
步上青空檻前怪木冬長碧巖下靈光夜久紅真澤不隨時世
斬出塵人世入神功

平蓋治

昔人已去附龍鱗神氣猶存錄籍真洞口記曾三拜日雲間別
是一家春釣絲無迹龜魚靜樵客忘機虎豹馴金井未經新汲

道藏輯要

虛靖真君語錄

三

又翼集七

引已無胸次一纖塵

雲臺治

漢朝人與道翱翔是處遺蹤屬靜方烟外桃花非俗種風前柏
實有餘香杖穿翠靄通深窅舟駕洪波入渺茫千八百年三十
代雲臺空碧佩琳琅

盡口治

真真相襲養真才萬木深沉一水迴珠暹夜明秋浪定磬含霜
韻曉霞開二仙已遠教誰遇三粒還能待我來若遣青童驗輪
跡斷煙無影落蒼苔

後城治